

Թար խանն ընդ նմա և իբրև խմբեցան ի պատերազմ, տեսեալ Քիմիանուշին զզօրսն Թաթարաց՝ թուլացաւ անձն նորա և յետս փախեալ, զոր տեսեալ Տաճկաց՝ հասեալ նմա և սպանին և սուր եղեալ ի վերայ Մաճարաց անխնայաբար կոտորեցին զնոսա և զերի վարեցին զբնակիչս գաւառին ոչ պակաս քան զանցեալ ամին, զոր արարին աւար և կոտորած։ Եւ ասացին՝ ի բերդ առեալ ի նոցանէ, որ մուտն էր Յուլիսի։

Որ և ի հնգին Եշի¹⁾ հողմ ելանէր, և զայեիս մի ի գնալն Ղուրչունլի կոչեցեալ մաղազայ՝ ընկղմէր ի ծով և արս Գ տաճիկ ծովահեղձ լինէր։

Եւ այգուցն (6 Յուլիս) ևս հայ ոմն անկեալ ի ծով նաւակէն և մեռեալ ի խորս։

Իսկ ի հասանել ԺԴ-ի Յուլիսի Շաբաթի աւուր(*) եղև կրակն մեծ ի Ստամպուլ. բարով չէր եղեր։

Շաբաթի աւուր եկեալ Շապան աղա Ղափուճուլար քէհասի յէտրէնու և եկն եմուտ ի պաղատ արքունի և երբ խէթիչէրիֆ յարքայէ, և կոչեալ ի ներքս ի պաղատ զՏապաղ կոչեցեալ Մէհէմէտ փաշա և խեղդամահ արար։ Պատճառ ասացին՝ թէ կին նորին արզ գրէ առ արքայ թէ Այսքան տեղեալ և այսքան կործանեցաւ քաղաքդ, և տէր ոչ գոյ զի պահէին. վասն որոյ նախանձեալ վէճիրին զայն արար, քանզի և յաւուրն այնմիկ Տապաղն բազումս տանջեցաւ ի վերայ հրոյն ի տեղիս տեղիս։ Այլ և մաղուլ արարին զՍուլէյման փաշա և եղին զայմախամ զԻւսուֆ փաշա, որ երբեմն կին ունէր զսուլթան զօճա Քէնանին։ Լուլինէր այսու եթէ յամենայն տեղիս հրակիզէին՝ ի Պօլին Անդրիանու, ի Պէլէս Պէլիկրատու և ի Սեւանիկ

1) Դշի.

(*) Լուս. կրակն է։